

沅
湘
耆
舊
集

元相耆舊集卷第一百八十四

新化鄧顯鶴湘臯編輯

長沙毛國翰青垣校訂

郭獨吟步韞 五十七首

步韞字獨吟湘潭人適同邑邵某早寡有獨吟樓
集獨吟爲鄧縣知縣汪燦雲麓諸姑早失恃撫弱
弟奉父以孝聞年十八歸邵氏家貧甚夫卒恃紡
績以養舅姑以憂勞成疾坐是益窘舅姑就養壻
家獨吟乃依弟以居以詩授詠姪郭氏一門閨秀
皆能詩長姑教也詩多淒婉之音其同縣馬敬之
梅初序所謂如城笳成角寒泉幽咽哀蟬秋鳴孤

鶴夜警者也

社日

社日多逢雨停鍼步兩楹簾開新燕語柳隔早鶯聲村鼓
隨風急農歌度耳清愁中深歲月無限別離情

蟲聲

戍鼓逼殘更堦蟲送苦聲西風三徑冷斜月半簾清荒隄
知無夢羈魂想易驚更來秋枕畔添我別離情
不爲西風切寒蛩自警秋可憐今夜月如訴去年愁歎爾
雖微物催人易白頭何當清漏永故故近簾鉤

病起

病起驚秋至新涼轉自嫌西風吹短鬢黃葉撲疏簾久病

冰霜苦何妨歲月淹驅愁愁不去依舊上眉尖

元日

蓬門無賀客蕭槭似山居重以春多暖兼之日漸舒詩添
新歲句盤翦後園蔬閑立梅花下幽香滿素裾

蟬

何處新蟬發枝高韻轉幽潔身全不露逸響在無求日落
孤村晚風來兩岸秋深人多別憾聽爾倍生愁

秋霽

秋霽黯將暝蕭條江上村蟬聲催落木松色老蓬門聚散
復何足榮枯安足論年年離別淚怕見舊衣痕

老病

老病誰相問登樓思不窮
鴉翻牛背日猿嘯嶺頭風
吳楚家千里關河月一
篷去年離別淚猶染半林紅

矮屋

矮屋小如舟詩成意自幽
竹疏深夜月蟲響一庭秋
頗有林中趣而無身外憂
近工娛老法梅菊是良儔

梅花

藐姑仙人謫幾時垂垂自發
兩三枝頻邀靜賞送新句
擲許纖塵蒙素姿霽雪長
亭鴉去遠寒天小院鶴歸
遲春風二月多桃李冷蕊
疏香知未知

除夕

骨肉團樂不可期每逢佳節倍生悲
年華冉冉成今古

事遷流多盛衰塵餌常無餘
宿粒空囊惟有苦心詩聲聲
曙角催殘臘賀歲來朝強自支

早春

徐步園中始覺春閒階雪後迴無塵
初滋草色青猶淺生
長苔痕綠未勻歲月自荒愁裏過
風光漫向眼前新
凭欄細念浮生事離合悲歡一夢聲

夜坐偶成

破梨空復夢悠悠兀坐孤幃數漏籌
海上有方難起死人
閒無地可埋憂蟲聲夜月淒涼院
簾影西風寂寞樓聚散
明知安薄命幾回嚙指未能休

癸丑元旦

沙洲春集 卷第一 一百一十四
每逢佳節意蕭然聊寫新詩轉自憐
院北寒梅猶帶雪橋南楊柳欲含煙
浮生已飮冰霜味時序翻添筆墨緣
怕見春光簾盡掩恐驚別憾入新年

清明樓望

高樓盡日寂無譁簾捲春光入望賒
幾處村姑插楊柳誰家燕子啄桃花
雲山黯澹兒千里風雨飄零天一涯
傷別不堪頻極目夕陽深樹哺慈鴉

江樓晚眺

思兒無奈卻登樓紫額簾低暫上鉤
遠樹蕭疏閑落照寒江鳴咽送殘秋
關山已是經年別風物那禁滿目愁
數盡歸帆獨不見幾行新雁落汀洲

冬夜

屋被風寒面面吹停鍼凝望偶寒帷嚴霜欲下星河澹殘
月猶懸鼓角悲傷別魂飛千里外思兒腸斷五更時剖梨
未必無奇夢竟夕淒涼只自知

新晴

簾開深院喜新晴綠職紅酣泥眼明溪色到門春漲軟山
光入檻曉煙輕飛來林鳥嘯初急困久閒人氣自清佳日
不嫌愁裏過苦吟得向望中生

送蓮兒往岳

幾番經別幾番愁無限傷心獨倚樓日午風輕飛乳燕春
江沙暖聚雛鷗帆牽別憾腸隨斷水帶離聲淚共流縱有

夜來湖上夢茫茫何處覓孤舟

秋晚

窄窄庭楹短短牆殘秋景物倍淒涼一聲征雁孤窗晚數
點黃花滿院香衰病暗隨時共解離愁肯與夜爭長幾番
只怨西風切日暮西風更斷腸

自從

自從殘缺愛深居歲月消磨兩鬢疏寂寂閒庭清晝永茸
茸芳草落花初乾坤有意容吾老冰雪無情獨萃予五十
光陰愁裏過不堪回首淚沾裾

蕭蕭

蕭蕭木葉下園林搖落偏驚抱憾心老去不嫌青鬢改愁

多翻愛素幃深菊當九月凌霜健蟲避西風隱壁吟正是
夜來愁伏枕誰家月下擊清砧

哭女文秀

泉路冥冥見面難幾回憶汝淚闌干北邙木落西風冷獨
誼樓高返照寒總爲死生關骨肉極知人世有悲歡可憐
膝下承顏日竟作南柯夢裏看

彌年

彌年風景暗消磨贏得冰霜兩鬢多佳節每逢甘蓂寔新
詩聊自慰蹉跎但將杯酒扶衰朽且畫桃符卻病魔時事
浮雲何足計梅花簾底句頻哦

貧居

春風亭榭自徘徊滿目蕭條院半頽門掩蒼松寒白雨
餘幽徑長青歲華老我頭將雪時事消人心已灰燕子
不嫌今冷落年年此日自飛來

菊

一片幽貞象外尋開遲豈是鬪楓林三秋離下畱孤跡五
夜霜前寄素荒徑自甘香冷澹西風不礙氣蕭森鏡中
短髻渾難插且采寒芳慰獨吟

春來

春來風景滿庭除時序相推爾鬢疏案有鳴琴聊免俗室
能容膝足安居頻看本草因多病每愛芹香欲種蔬燕子
未歸清晝永敲鍼閒釣小池魚

自遣

咄咄何須更問天
細推物理悟機緣
浮生安命方知樂
世無愁卽是仙
靜譚絲桐消永日
聊吟詩句了餘年
從來最識清閒好
得到清閒豈偶然

秋風

漫道秋風好
秋風易白頭
空庭黃葉落
葉葉是離愁

猿

何處猿聲發
隨風入幕來
離人腸已斷
更作斷腸吟

雨

料定兒千里
寒深柰若何
側聞窗外雨
未減淚珠多

兀坐

凡坐悲前事孤幃悵獨愁可憐窗外月還是舊時秋

室小

室小秋先至窗虛月倍明何當清夜永蟬處是蟲聲

池上

十載孤窗下糴臺不復開偶臨秋水面形影自相猜

秋雨

秋雨到梧桐蕭蕭滿院中夜闌欹枕聽一半是西風

憶蓮兒

渺渺湘江水匆匆遊子心如何天盡處只見白雲深

萍

誰道根苗寄未深春來點點泛波心憑他無恨風荷惡只

可高低不可沈

聞鶯

簾捲空庭花氣芳
綠雲深處嚶鶯簧
只知弄舌能成巧
那管愁人有斷腸

虞美人花

楚歌四面黯傷神
省識君恩是妾身
寶劍已乾紅粉血
花枝猶作翠眉顰

江山回首潯陽空
臨幸紛紛漢代宮
幽怨曲中傳不盡
更將檀口訴春風

萱花

薰風簾外雨初收
舊種萱花開轉稠
人道忘憂渾浪語
空

庭寥寂不勝愁

送蓮兒往岳

小艇匆匆一葉輕可憐含淚促兒行多情最是江頭水也
替離人作憾聲

孤雁

午夜殘鐙背小窗忽聞一雁唳湘江遙憐沙畔風霜苦獨
守寒更亦不雙

梅花

矮屋疏籬多偃蹇喬松修竹與淒迷霜華墮地鶴初睡月
色滿林烏漸曉

人曰

年年此日說良辰
翻爲良辰憾更新
亦復覩然人面目
無一事可如人

落花

枝頭成陣落殘紅
片片飛來小徑中
惟有黃鶯不解事
百般言語怨東風

夜雨

一枕瀟瀟夢不成
秋風秋雨夢愁生
無端幾片芭蕉葉
也向窗前作憾聲

雁

蘆花深處暫潛藏
春至依然返北鄉
寄語鴛鴦莫相妬
可憐無羽不風霜

題桃花美人便面

誰家少女不知愁，愛此天桃豔欲流。
料理來朝寒食粥，餽簫吹暖夕陽樓。

依稀認作楚宮顰，鎮日無言悵好春。
一樣香風來陌上，娉婷誰畫采桑人。

菊

種得菊花三五本，清香浮動滿簾幃。
不知今夜西風裏，開到東籬第幾枝。

春到

春到蓬廬氣亦佳，風光滿日透窗紗。
隔簾盡日濛濛雨，開遍空庭紅杏花。

立秋

颯颯西風滿竹樓庭梧一葉已驚秋乍聞清籟楚然喜柰
入黃昏變作愁

疏雨

幾陣金風飄落葉一天疏雨斷飛鴻阿誰一掬傷心淚染
得長亭滿樹紅

鎮日

鎮日初鍼小閣閒夕陽庭下暫偷閑清霜落盡楓林葉一
片空明見遠山

初春

春日融融獨啟扉閒階緩步靜忘機冰開小沼魚初出簾

卷一百一十四
捲東風燕未歸

春月

劇憐春月欲凭欄
纔及鈎簾意已寒
我自年年懷別憾
每時得照淚痕乾

寒食

椿庭寂寂長苔衣
簾捲東風燕子飛
記得去年寒食夜
瑣窗侍飲話慈幃

哭女文秀

含悲窗下理殘絨
繡譜猶餘半幅空
憑母眼中千點淚
酒來補作杜鵑紅

摘菊

清秋曉起山簾櫳摘得黃花一兩叢
衰髯自憐無可插
霜浸入膽瓶中

生來晚節竟如斯
露冷霜嚴總不知
自是清姿甘落寞
西風樓畔下簾時

送蓮兒往岳

老來倍覺別離難
瘦骨龍鍾血淚乾
今夜洞庭霜月下
扁舟回首白雲寒

疏林幾點乳鴉還
帆影飛飛夕照間
湖上雲峯一十二
不知何處是君山

元旦

兩鬢蕭疏霜雪侵
笑將柏酒且頻斟
老來始覺多情興
得

句無端信口吟

春望

終草簾捲望晴暉
山到春深碧四圍
柳塘鶯自嚙花
明郊郭蝶雙飛

憶蓮兒

思兒頻倚小樓西
極目雲山一望迷
記得去年離別處
滿天風雨暮猿啼

中秋

遊子關河歲月深
每逢佳節自沈吟
遙憐今夜天邊眼
正是孤幃夢裏心

爭奈

爭奈離懷易覺秋蟲聲唧唧夜悠悠宿前一片空明月照
見人閒今古愁

題真

衰容相對倍生傷曾爲滄桑幾斷腸鶴唳一聲歸去也人
閒閒與弔斜陽

劉孺人光綺

首

光綺湘潭人通道教諭元煒之女適寧鄉黃氏天
津知府立隆子婦諸生湘南之妻而吾友城步訓
導本騏黔陽教諭本驥之母也年二十九寡以節
旌卒年七十有五余爲銘其墓孺人生長名門習
聞禮訓好讀書知道理余往來長沙嘗主其家孺

人以子畜余余不得事之如母也故銘其墓詞特
哀焉孺人詩不多見僅從女士詩鈔得一首

梅雪

梅花冰雪賦同居一樣清操命不如冰雪化為流水去梅
花偏向嶺頭舒

案吾友諸城王香杜作孺人像以云孺人母家李
劉兩舅母及裴氏姨母皆少寡李裴先卒劉以年
例得表其閭孺人於其建坊日口
占蓋以雪喻李裴以梅喻劉也

劉光瓌一首

光瓌湘潭人通道縣教諭元熒女同邑刑部郎中
石鸕鶿子某聘室未及行而卒著有惜香集

蝴蝶花

尋花鳳子舞鸞跚日夜凭欄帶笑看幾次欲飛飛不得香
黃粉翅不勝寒

丁玉蟾一首

玉蟾衡陽人長沙劉文恪公外孫女深州知州安
鄉張杰伯良室伯良卒官玉蟾以死殉女士詩鈔
云善化人者誤也伯良亦有詩名陶文毅公嘗爲
余言今欲求其隻字入斯集而不可得玉蟾詩亦
止從女士詩鈔得一首

詠雪

六出花飛夜舉觴來春麥飯喜生香笑他柳絮東風裏無
補蒼生祇解狂

元湘耆舊集卷第一百八十四終

沅湘耆舊集卷第一百八十五

新化鄧顯鶴湘臯編輯

長沙毛國翰青垣校訂

王湘梅璫二十七首

璫字湘梅湘潭人歸吏部考功司攸縣夏恆一卿
爲繼室著有印月樓詩詞牘一卿有才名工詩古
文詞貧居蕭然湘梅不以爲意極閨中唱酬之樂
一卿在京湘梅作暮春詞寄之有怨東君不許花
開久之句一卿愀然不樂旣第假歸湘梅忽取前
所寄詩詞焚之數月遂卒

偶感

北風何處來吹我羅衣裳驚心節序改草木青且黃衆卉
不復妍惟餘松柏蒼爾自有本性猶能凌雪霜諒哉君子
心立身計久長

拜別

生長深閨中悠悠二十許晨昏戀庭闈不知身是女同懷
四五人一門相聚處兩姊次第去鸞鳳翩然翥執手神屢
傷臨歧淚如雨當時肄詩書庭訓無異語夜鐙治麻絲秋
風共機杼豈知先後別鴻雁不成序今夕復何夕俟堂復
俟著諸兄送我行我行心獨苦父母授我命艱虞取違拒
拜別無一言惘惘出庭戶明日停舟望白雲翳林蒼

上灘

颯如驟雨聲轟若驚雷響氣湧奔濤下力弱孤舟上亂篙
插石罅榜人爭木彊頗怪水神惡不許逕前往又疑石能
言彼此互搶攘一纜引千鈞昂然進篙槳舟迴渡面平塊
魄尙搖蕩

話別

風雨夜不休鏡影今夕圓執手話家累不言已潸然丈夫
志四方豈爲兒女牽惟念習儒素宅少負郭田前室有遺
孤勤學功在專勉供繼晷敢任子弟愆我爲君繼婦母
命先拳拳未及事舅姑含悲依所天幸有竹林陰庭闈相
周旋持門雖寡力艱難勉付肩嬌兒非我生我生不啻焉
君去但須去勿使心懸懸鄱湖水悠悠文浦月娟娟片鱗

儻可達惠以瓊瑤篇

勗迪兒

汝非我所生我實汝之母汝父走四方屬予相導誘汝當
童稚年姿秉亦非醜學海濬源泉心田去稂莠家塾有經
師詩書相授受精心索其義疑難必分割光陰去如電方
辰忽已酉日求一日功功積自然厚日與羣兒嬉嬉罷亦
何有男兒志遠大立身貴勿苟世業遞流傳析薪要荷負
女父他日歸毋使母引咎

過湘潭訪四姊若蘭

廿載房帷共於今各有家當時諸姊妹長日累娘爺取次
經離別相逢莫怨嗟今宵寒月上疑照舊窗紗

課婢

汝亦人之子從予歷歲時猶然效兒戲不異恃親慈
亦何忍勤勞當自知昨宵曾教汝能否誦毛詩

蟬

不知何所感切切樹間鳴向月吟長夜臨風訴不平
愁人驚遠夢獨坐數郵程滿地芭蕉影秋蟲又發聲

結宅

結宅城南曲塵囂不到庭水光連檻白山色入門青
莎徑樹成蔭松風花散馨琅琅喜兒輩誦字隔簾聽

送別

春風催早發策馬向江干不怨新婚別惟憐行路難
芙蓉

天半種楊柳月中看小立房帷外羅裳怯曉寒

不寐

不寐苦多思初涼湘簟宜生憎蟲唧唧卻愛月遲遲路遠
書難寄心煩夢易奇小窗人語靜遙夜獨醒時

秋夜

短榻醒殘夢青蟲四壁鳴微風吹落葉細雨送秋聲永夜
猶聞笛高城未轉更空庭知露重花氣隔簾生

與大姊嗣徽同居

十年雲海雁分翔姊妹花開兩地香難得月明千里共依
然春色一庭芳欸煙曉出東西屋鐙火宵分上下牀輸與
天倫多樂事上堂朝夕拜姑嫜

書紅鶴山莊詩稿後

萬里從戎一散裘
瀟瀟風雨鶴啾啾
他鄉客久難爲婦
才女多情易感秋
識字豈真憂患始
作詩難冀姓名留
當時幸有憐才者
應願將絲繡蔣侯

蔡文姬

萬里歸來未死身
一篇悲憤向誰陳
衰門似續孖孤女
亂世朋交有賊臣
沙漠那堪留弱息
夢魂猶自繞邊塵
琵琶千載傳哀怨
可似胡笳更愴神

楊貴妃

可怪將軍統六師
劍關西上駐旌旗
玉環得死猶爲幸
金殿長生未有期
國以傾城坐戎馬
家因多女壞門楣
美人

一例歸黃土零落梅花莫怨伊

卓文君

卓家嬌女賦三星憾隔中堂翡翠屏耳畔琴聲流水去鏡
邊眉黛遠山青深宵露冷侵羅襪小市風寒問酒經惆悵
白頭吟最苦相如多病尙能聽

曹大家

循循禮法宗續史居東觀伏女亦傳經儒門婦人冠

上官昭容

紅紗一尺寬不障女兒目可憐日五色誰子相臣讀

昭君

日別深宮後時時望故關臨風獨長憶蘇武得生還

孫夫人

魂魄死依劉遺型
涵靈澤阿兄好男兒
敵庭奉金帛

梅妃

含淚坐長門
梅花獨夜魂
馬嵬遺繡襪
曾是感深恩

琴操

參得禪機破蛾眉
早出家潯陽江上婦
垂老抱琵琶

蘇蕙

迷離錦上文宛轉
心頭血文迴腸亦迴傷
情是離別

寄懷四姊若蘭

一行征雁度湘南
愁到將書信手探
風雨瀟瀟人獨臥

花春水夢昭潭

夜過衡山

一聲長笛出層城
漁火星星照水明
八九芙蓉看莫辨
白雲何處采黃精

秋月

一簾花影乍涼天
霜冷香濃月正圓
料得旅人當此夕
滿懷秋思不成眠

雷半吟玉映二十九首

玉映字半吟號綠窗散人澧州人貴州婺川縣知縣
晚香女湘潭監生何官麥室著有半吟樓詩存
鄞縣沈栗仲序之所謂譚思幽微徽音漾溢無暗
噫嗟噴之語而韻義遙深無鈇覘析亂之辭而選

言譚粹者也

早起

雨霽人初起
桐陰滴尚殘
遊魚知水暖
飛鳥怯風寒
對鏡愁難遣
思親淚不乾
音書何處寄
鄉國路漫漫

秋晚

空山寒橘柚
徙倚對斜曛
老樹多紅葉
寒天澹白雲
煙昏烏繞樹
風緊雁呼羣
寂歷虛窗夕
爐香獨自薰

送外之鄂

欲別難爲別
長征歲在陰
關山遊子路
風雨故園心
篋有楊雄賦
囊無蘇季金
殷勤屬家累
翦燭到更深

分袂匆匆去
相看兩淚俱
家貧兒女小
身遠道途孤
對月

清江雜錄卷第一百八十五
六
愁深淺還鄉夢有無歸期宜早定莫使望征夫

小園和外作

小築愛林泉柴門傍水邊春泥培竹母夜雨長苔錢池小
偏容月園荒祗受煙東陵莫惆悵偕隱有瓜田

戊寅從外往安仁舟中作

身世仍飄泊頻年泛宅行湖迎春水闊雨過晚帆輕澹素
安貧志艱難作客情衡峯環九面蒼翠望中生

由雷家市入攸溪

溪小通蒼翠迥如九轉湘灘聲喧石碎山勢與雲長舟聚
漁成市村孤柳護莊辛勤問前路野老笑人忙

安仁

一縣圓蒼翠嵐光四望迷斜陽雲擁屋積雨水平溪山近
樵人便年豐米價低珍珠泉可釀沽酒小橋西

歸省澧州江中雜詠

遠水接天浮風吹一葉舟人聲喧古渡漁火聚芳洲帆影
兼雲過波聲帶月流近家心更迫翻憾路悠悠

疏孟池

自任王十八遺跡
聶容峯太史修建

雲氣莽難開登臨百尺臺波光迎檻入嶽色繞城來帶雨
千帆出衝煙獨鳥回徘徊愜幽意何處晚鐘催

憶遠

鳥語破晨夢螺鬟慵廢梳傳書定逢雁彈鋏豈無魚簪紱
風塵事山林水竹居歸耕良不悞煙雨伴樵漁

晚秋

西風落葉冷秋江水淺沙明岸有紅菊瘁向開花簇簇林
疏時見鳥雙雙寒衣新翦容添綫細雨斜飛獨閉窗入夜
蟲聲聽不歇愁來無語對銀釭

江樓晚眺

江上高樓對夕暉樓頭四面拓窗扉天遠水煙波闊山
帶殘霞草樹微紅蓼叢中雙鷺下白雲多處一帆飛登臨
不盡幽探意遙羨漁家老釣磯

望南嶽

作鎮離宮秀獨鍾遙看紫蓋接芙蓉撐天壁立三千仞遶
縣青分八九峯深谷雨喧飛瀑下幽巖寺古亂雲封簾輿

若得攀蘿上好，向斜巔一盃胸。

姪萼庵赴安仁學博任，既行書來言安仁風土詩以

答之。

子今遊處我曾遊，江水年年送客舟。山接衡雲仍合抱，溪

經草市各分流。

自往一往安仁一往攸縣

長灘東浪聲如雨，怪石當船

道似溝。往事那堪回首憶，鷓鴣泥蹤跡偶一聞。

端午和外

節到天中感物華，尙依南嶽對晴霞。一枝偶借門如谷，三載長棲客作家。好共開尊傾竹葉，且逢照眼有榴花。江頭競渡成遺俗，猶爲靈均弔水涯。

秋夜

風落一庭秋蛩吟三徑冷斜月下疏林露出鴉巢影

鸚鵡

爲鼓如簧舌雕龍鎖雪衣靈根如不昧應悔巧言非

送謝孺人返長沙

自往時予隨夫重客衡山縣

渺渺東流水依依南浦雲客中還送客何日再逢君

古鏡

古鏡含清影浮塵易暗生時時勤拂拭秋水自空明

巾紫峯

自往在衡山縣南郭外

雲氣石千丈煙浪樹萬重浮嵐明滅裏古寺一聲鐘

自澧州還舟中有感

何廣頻吟一聲白鷗也自笑人忙多情最是天邊月來

江頭送客航

蟬聲

半畝槐陰暑氣消
疏桐嘒嘒聽鳴蜩
晚來忽覺秋先到
又逐涼風過板橋

由大江入小溪卽目

溪水分流曲岸邊
緩搖柔櫓破朝煙
竹籬深處人家少
風細波平好放船

舟中偶成

百丈牽船傍岸移
碧波蕩漾好風吹
垂楊影裏雞聲亂
知是漁家報午炊

感懷

寂寞春閨百感生
落花無柰滿江城
可憐琴劍飄零客
歸路天涯夢幾程

過衡山

久住名山總宿緣
扁舟重過意茫然
垂楊不管人離別
又向江頭送客船

過洞庭

當年曾向洞庭遊
湖水瀾漫不見洲
轉眼滄桑風景異
流光那不自人頭

重泛漢江并序

先嚴以貴州婺川令差辦楚鉛
辛亥秋回任余侍母出漢江
還體今四十年矣風景依然
人事更易感慨繫之

短章寄情亦宣武之意也

四十年來事幾更重遊猶記舊時情垂楊兩岸如相識一路青青送我行

羅淑芳 十三首

淑芳字佩蘭號芸閣長沙人貢生萬懷女同邑國子生李圯壩子人參室著有效一草

暮春自遣

欲暮春如許分陰振萬金茅茨飛雨細門巷落花深物態能醒眼人生幾稱心有詩聊自遣愁緒莫相侵

秋仲省外祖母至下泥市月色滿江舟猶未泊

爲念慈顏隔秋江獨泛舟四圍煙樹合一碧水天浮寺近

沅湘舊集卷第一百八十五

同清磬鐙明識遠樓攸心湧圓月帆影在中流

秋月

人意秋逾澹閒庭月到初瑤臺新露冷雲漢玉波虛竹影
驚棲鳥池光怯睡魚卷簾照無寐幽况素心如

登樓曉望

曉倚高樓望秋空白寂寥茅簷風瑟瑟竹院日蕭蕭地僻
雲煙合霜深草木凋沙頭羣雁起旅食路迢遙

春日山居

自愛山居好春來氣更清花深藏屋角柳暗雜鶯聲詞賦
銷年歲詩書養性情久判茅舍裏荆布老吾生

送家大人重遊粵西

高堂今復動離愁豈爲雲山訪舊遊鬢白未消兒女債年
豐猶作稻梁謀關河迢遞人經慣寒暑隄防老更憂瘴雨
蠻煙非樂土南行早自覓歸舟

按傅氏正始集載是詩爲善化在氏作其首聯爲
蠻歌罷唱老新愁况復西風雁叫秋裏作荆南行
作丁甯流傳之談也

同嫂氏登樓晚眺

樓高百尺倚垂虹攜手登臨四望通江上櫓搖秋色裏人
家門閉水聲中一簾新月開明鏡幾縷殘霞散晚風隱隱
疏鐘清聽處凭欄知隔數峯東

落葉四首

閒階小立悵秋空黃葉驚飛盡閣東繞屋尙迷三徑月穿

離乍聽五更風情知搖落清霜裏忍見摧殘古道中寄語
行人多愛惜莫將詩句漫題紅

露冷霜凝秋更深柔條弱幹早難禁臨風到處鳴寒柝向
夜誰家急暮砧流水縈中千古憾荒煙塚上百年心憐他
松柏經冬候勁節依然倚舊林

園林秋老又經年氣候榮枯本自然桐 依稀邀夜月柳
隄零落見江船樓頭漸漸驚殘夢門外蕭蕭下夕煙閒倚
鏡臺看不足渾如狼藉落花天

返照疏林映碧霞無端飄散遍天涯空憐風冷吳江水出
得煙藏處士家憶昔芳菲邀舞蝶秖今零落帶昏鴉停車
漫望寒山徑偏愛紅於二月花

山中曲

結茅在山根往來半山裏深處絕無人惟聞落松子

寄慨

萬卉落柔脆寒霜改歲華如何籬畔菊猶放晚初花

李湘鸞

十六首

湘鸞善化人同邑王忠傑室年二十四卒著有招

翠樓詩牋

閨怨

悲別離兮道阻且長嗟美人兮憂思難忘秋風瑟瑟兮秋
色蒼涼長笛一聲兮獨夜神傷

雲渺渺兮雁聲寒倚闌干兮強自寬風露逼人兮長

沅湘耆舊集卷第一百八十五

三

漫月照離人兮起獨看

海日西沈兮江水北流月照屋梁兮風動簾鉤正望兮
悲秋問天不言兮羌哀吟以寫憂

幾秋脈脈兮風雨聲坐對銀鐙兮百感生落葉蕭蕭兮夢
難成託柔翰兮訴離情

鐙下偶吟

寂寞中郎綠綺琴欲彈無柰少知音夢回羅帳朝慵起愁
鎖紗窗病獨吟細雨送春歸渺渺落花隨水去沈沈黃昏
一樣如鉤月偏照閨人萬古心

梅花

身世羅浮夢裏過吹殘春色奈風何漫誇和靖幽情寄曾

是師雄錯夢多煙水尋來花冷落冰霜開去歲蹉跎阿誰
窗下依香影對月還聞發浩歌

中秋對月

雲淨清宵劇可憐莫辭沽酒醉花前滿庭桂影籠香露四
壁秋蟲入夜絃皓月縱知千里共愁人曾見幾家圓五更
漏盡天將曙回首風光又一年

秋柳

韻態還如漢苑中江南舊憾與誰同煙銷眉黛三秋雨露
涇腰支午夜風宛轉隄邊絲裊裊依稀村外影濛濛幾番
愁緒憑誰訴曾向章臺怨落紅

題樵人晚歸圖

風葉蕭蕭欲暮天
遠山斜抹一村煙
漫穿石徑緣苔磴
一角松林雨後鮮

山氣成雲溼短衣
小橋斜渡影依稀
生柴帶露肩雲葉
驚起棲鴉上翠微

春日苦雨

梨花深院雨瀟瀟
閒解連環慰寂寥
惆悵黃昏人靜候
晚風猶送數聲簫

題蜚卿小影

王孫曾說贈明珠
圖入丹青影太孤
萬疊雲山千里隔
知他還是畫中無

不憐煙月獨憐才
簾外芭蕉手自栽
縱對東風心展盡
可

能吹汝兩眉開

戊子重陽前一日鶴舫對月

花魂月影共天斜
相伴淒涼憾轉加
最是來朝風日冷
不堪持酒對黃花

七夕

一年一度問佳期
浪借金錢買別離
修到神仙猶命薄
人間何處訴相思

卓王孫

聞人曾識鳳皇音
不負瑤琴一片心
爭識歸來題柱客
那知猶有白頭吟

陳玉祥二首

王祥字夢棠號花仙武陵人同邑諸生唐開韶竹
谷室年二十五卒著有夢棠詩草

早春書懷

料峭春寒漫靚粧
隄邊柳色展鵞黃
那知小閣香羅裏已
有新紅上海棠

春日卽事

垂簾不放篆煙絲
午夢猶裁寄遠詩
幾日小園人不到
杏花開遍出牆枝

沅湘耆舊集卷第一百八十六

新化鄧顯鶴湘臯編輯

長沙毛國翰青垣校訂

黃葆儀婉璫 二十四首

婉璫字葆儀寧鄉人嘉慶戊辰舉人借補城步縣訓導本騏女瀏陽拔貢歐陽道濟繼室性明慧工吟詠書法娟秀尤善琴著有茶香閣詩詞各一卷年二十七卒卒之前數日語其叔父虎癡死必丐余文志墓余哀而許之虎癡得余文乞吾友沈栗仲書丹於其葬也以所蓄古琴爲殉云

燕將雛

燕將雛方出窠燕飛飛雛嵬嵬股勤銜食何處來哺兒巢
中得飽囓往返無休時觜爪已敝心未疲兒肥母漸瘦猶
恐兒腹飢吁嗟乎羽毛已長畱難住雙雙徑向花陰去花
影迷離故壘空從此天涯無覓處

鄧湘阜先生以斑管彩箋琴絃佛手見贈卽用先生
東湖唱酬集詩元韻志謝

少小聞鄉評知公寶邦哲倒屣驚王侯所至名必達倜然
鸞鳳姿豈肯老圭華屈爲青衿師藉以成著述昨訪臣叔
廬值我歸甯日惜非男兒軀敢立程門雪瓣香拜南豐棗
栗慚修潔宿草憶故交死生歷時節文姬讀父書欲比未
敢篇遺草付誰傳念此心忽忽辱以瑤華篇文彩爛滿室

湘東斑竹管書賢操陟黜假我詠齊紈能使秋風熱簪花
雖未工栩栩豪欲活持此弔英皇寸穎濡淚洙泗以薛濤
賤百番更勞掇能軍愧木蘭當戶徒唧唧廢織學操觚瞽
借金篦刮囊琴久未彈古調况已茂泠泠絃七條塵封冷
如鐵素絲絢冰蠶再鼓席敢避佛果鑄黃金節序眼一瞥
木奴同時熟佳產重南粵所贈皆珍奇一一萃可拔欲卻
嫌不恭藏弃焉敢失吾家天壤郎構思頗熒帖逐隊塵文
場舉旗未可必何時孫陽門肯容駑馬跡請業願與偕光
霽瞻風月衰門無奇男進士嘗不櫛吾門衰更奇未卜虺
夢吉幸邀臣叔憐才短譽嘗溢叔母穎川姝嗜古勝飢渴
琴亡篆僅存欲與冰斯埒公爲銘其幽字字霏玉屑片石

傳茂漪幽潛光煥發

自注先生近撰先叔母墓志

父執張文昌

自注謂蓉裳先

生

文瀾匯瀛渤一穗寄公鄉祭詩窮賈佛不謂思曠聰實

及秋蟬咽導我以正聲彩授江淹筆綺麗薄齊梁質鈍苦

難別公與文昌交許身皆契稷詩學辨淄澠隻字爭華實

寶藏聚波斯未許貧兒乞始知東施顰態度慚姜媼聞公

彙新刊蘭茝隨所挈讀史香薰班擬騷豔摘屈幽居卜

村雅與陶公匹

自注先生近刻南村草堂集

赤幟樹吟壇餘子敢同列

况我壁上觀未陳已亂轍請率娘子軍爲公帳下卒長隊

傾吳娃共守孫武律不爾焚筆研毋徒嘔心血

彈琴

萬暮滴殘雨蕭蕭風滿堂蟬聲下高樹竹影過短牆音韻

出太古衣襟生微涼一琴靜相對寒暑坐中忘

秋望

蕭蕭飛木葉秋色上荒臺遠水千帆盡長空一雁來江樓
寒翠合林驛夕陽開百感蒼茫裏消除託酒盃

江樓秋望

危闌人獨倚望斷楚雲秋雁落青天外帆懸赤岸頭煙光
明極浦暝色上層樓何處砧聲急無端起暮愁

送春曲

蝦鬚簾外春如許細雨霏霏織南浦一片飛花逐曉風枝
頭賸有流鶯語羅幃驚起移殘釭薰香小坐闌紗窗韶光
欲去畱不得含情且倒紅玉釭

聞雁

流響長空雁數行傳將秋色到衡陽
蕭蕭木落邊城冷漠漠西風楚塞涼
已警清霜橫極浦還驚旅夢過他鄉
蘆灘蓼嶼羣棲泊畱戀湖天足稻粱

柳

昨夜東風作意吹長條踈地綠垂垂
流鶯巧囀新陰候紫燕輕穿細雨時
萬縷煙絲縈客憾一聲羌笛引離思
請看嫋嫋河橋畔折盡行人無盡期

荷

橫塘淅淅綠雲遮倚笑含愁十里花
搗練香邊憐越女盪舟煙際想吳娃
迎風翠羽搖涼月墜露紅衣浴晚霞
無限

秋心人對詠碧筒吸盡酒頻賒

蟬

細雨聲偏急斜陽響更頻自鳴還自己非是悅時人

賞月

片月明如水空庭荇藻交倚欄人不寐清露滴花梢

聞雁

雁自排雲出離人夜倚欄可能傳尺素爲我報平安

梅

尙無一花坼短枝纔過人昨夜月中笛吹開天地春

絳桃

仙子絳羅襦家住天台頂一夢落塵凡春風吹不醒

題畫

遙山一髮影青蒼
杳靄煙嵐澹夕陽
茅屋人家臨水住
疏林黃葉半溪霜

湘江夜雨

瀟瀟九轉水沄沄
潑墨江天萬疊雲
叢綠蕭騷斑竹暗
雨聲多處弔湘君

七月八日

當頭銀漢別悠悠
依舊平分兩岸秋
少婦不知離別憾
今宵還上曝衣樓

雁聲

遠塞雲橫候雁翔
一聲叫破曉天霜
驚殘旅夢關山遠
歸

里傳秋到故鄉

答慧儀寄懷

入夜湘雲一片橫
離愁棖觸百端生
忽疑蕉雨驚詩夢
起視窗前月正明

昭君怨

琵琶夜怨曲難終
忍向胡沙憶漢宮
穹帳年來憔悴甚
春風不及畫圖中

登定王臺

高吟閒上定王臺
黃葉紛紛墮酒盃
湘上煙凝秋色晚
歸帆遙帶夕陽來

聞外以朝考報罷將由金陵歸里

步升老書卷一百八十一
偶拈花片卜征驂消息真從鏡裏探愁殺緇塵京洛客又
聽春雨到江南

疏煙

疏煙細雨滿池塘流水潺湲繞院牆見說昨宵春信到東
風吹綠上垂楊

洞庭

角子湖邊潯復潯扁山對面是君山湘妃曉起開粧鏡綠
挽煙螺十二鬟

吳季瑠珊二首

珊字季瑠新化人蘭翁幼女適同縣郝望之明經
文蘇爲繼室蘭翁晚著地里釋一書季瑠隨條編

校遂周知天下輿地沿革郡縣四履諸子在抱列
教之識字叔子漢勛尤有聲

與長姒周伯絲

會合嘗終日離君阻一陂情深娣姒外興到詠歌時鶯語
半簾滑蟬聲幾樹嘶著書同學士先業訓謙之共織回文
字聯吟絕妙詞童知秋水作女勣北山移不櫛余堪愧式
微今又詩效顰應莫笑人是一家施

王纘廉開珙一首

開珙字纘廉寧鄉人監生人定女湘鄉章玉姜室
早卒詩不多見僅從選本得一首

上冢

黃坂橋頭屋數椽麻衣兩度竹林邊杖藜尙夢高堂月惆
悵清明上冢天

唐慧儀宛珠 四首

宛珠字慧儀善化人嘉慶戊辰進士南陽知府業
謙女湘鄉王鼇室著有剪鐙吟慧儀爲黃氏女甥
幼養於舅氏與葆儀中表姊妹工琴能詩才慧略
等其不永年亦同可惋也

題畫

犖角簪頭接綠陰白雲深處插遙岑
槿籬藤屋無人住一帶春流繞柏林

江樓雨望

疊疊雲峯送雨過長江風起湧層波疏簾半卷無人畫雨
岸濃煙溼翠螺

蟋蟀

閒階岑寂近黃昏芳草淒淒月有痕
銚下秋聲無覓處晚風涼露短牆根

漁村

江村漠漠帶殘暉收拾絲筒罷釣歸
石燕入雲天欲雨荻花深處補蓑衣

文先謚八首

先謚字無非寧鄉人同邑歲貢王開璋室早卒著
有摩陞遺草

歸家書感

雨落雖上天水流無再還
哀哀生我感永訣歸重泉
王郎賈貧窮詩書爲良田
無復嬌女慮女淚流涓涓
秋深歸省路蒼陂渺寒煙

得翁消息

萬里旣通路阿翁方遠遊
自注時應打箭爐
覃朗川司馬聘風霜關塞遠
華髮已盈頭酒有郛筒美
詩禁杜子愁家餘舊茅屋
菽水可能謀

夜坐

月落月已升幽窗意孤迥
刀尺補寒衣舊鹽煮苦茗
高窗一聲風落葉響屋頂

數古

門外青青松舊是別郎處爲語寄書人莫誤前溪去

嵇崩山

朝望嵇崩雲暮望嵇崩雲嵇仙不知處

自注山舊爲五代時嵇真人修煉處

杭稻槁如焚

自注平時山雲爲雨之兆今夏大旱禱雨也

春日山居

竹籬茅屋日遲遲坐度春光爛漫時忽見一池新水滿輕

風吹縐綠參差

客至

山前梓實殼初開錯認梅花得得來短髮自慚無可截鄰家借得米鹽回

龍井心二首

井心字無瀾寧鄉人長沙鄒繼陽聘室繼陽年十
八卒無瀾奔喪守志終身詩不多見

桃花

古澗深曲處一樹桃花然往來拾翠人愛此顏色妍春光
一以謝花落隨流泉還看嶺上松青青霜雪天

送汪雲卿女史還維揚

日歸歸未得歧路今忽臨明日促裝去濁醪且同斟酌君
西來時歲序何駸駸長言故鄉好淹留乃至今羈懷念哀
父往往發悲吟從茲理短櫂計日邗江潯登堂奉色笑至
東故舊林子愛君至性與君結契深送君喜君歸望遠情

難禁茫茫楚澤白漠漠寒煙青采蘭贈君別應知子素心

黎氏一首

黎氏寧鄉人歲貢生大甫女同邑朱宗城室

過王氏壻

籃輿纔過石楞關一片斜陽已在山料得前村鐙火夕候
門童穉到籬閒

左壽貞一首

壽貞字月卿湘陰人道光乙酉拔貢壬辰解元桂
東教諭宗植女弟壬辰同榜舉人宗棠女兄適巴
陵副貢周系藩早卒有幽香堂吟草

舟過君山大風

竟日重湖縹渺閒銀濤堆裏見君山青蒼水玉湧彭蠡
尺湘娥垂鬢髮斑竹有痕多是淚布帆無恙一開顏投詩
爲謝凌波侶更借樵風六六灣

左壽玉一首

壽玉字季蘭湘陰人月卿妹適同邑監生張方大

早卒

秋月

夜氣金天迥蕭蕭萬壑幽鳥巢寒暗樹人定倚高樓江漢
魚龍冷關山煙樹秋清華當此夕何處著閒愁

鄒 細八首

細字雲芬新化人乾隆戊子舉人繁昌知縣杰第

四女同縣唐琛室幼隨父任性穎慧偕諸兄上學
四書五經一見輒成誦稍長工詩書法學蘇長公
縱橫奇肆不類閨閣中體格年三十三卒著有惜
餘齋小草雲芬爲余從甥婦所居近市老屋歛塵
安之若素余姊極誇其孝然不言其能詩也卒後
出其詩卷并所作書乃大異之姊又言其能古文
嘗手書示其弟繁洋洋數千言皆可誦惜佚其稿
爲可惋也繁亦能詩幼從雲芬受經素幃之嘗以
貧故傭書於人一日歸有喜色發其篋白金燦然
雲芬驚詰所自大怒揮其金於門外繼之以泣曰
吾父居官清白不忍見弟敗門風也繁跪自誓乃

已此事吾邑人往往有言之者乃知雲芬不獨有
詩才也雲芬亦能小詞其春暮病起云庭院輕陰
寒悄嘒嘒流鶯聲巧小病不多時不覺柳
綿春少懊惱懊惱
幾點落紅依翠

遠山

遠望遙岑好輕煙籠翠鬟依稀如畫裏彷彿帖雲閒窈窕
亭亭立修蛾曲曲灣最難描寫處山外復環山

詠菊和五弟香圃韻

竟日金飈爲滌場貧家節序費平章吟將秋色枯腸冷寫
到疏籬俗慮忘三徑晚風縈別緒五更清露護殘粧全家
都狂黃花裏吐山珠璣也傲霜

過洞庭懷古

昔聞帝子此閒出鼓棟重經怨未休三戶流傳歌兩闕九
疑悵望憾千秋青螺有幸曾埋玉斑竹何情也解愁試向
君山深處望煙波無際白雲流

白燕

澹澹輕盈侶素芳合教小字雪衣娘飛隨柳絮春無影睡
入梨花夢有香似愛曉風催玉翦卻愁花露溼雲裳綠肥
紅瘦春將老輸汝瓊姿絕世料

黃鶴樓

城上層樓聳碧空迢迢直起五雲中地爲全楚江山助人
望遠天星斗通斷岸西來春漲綠連檣東下夕波紅憑欄
無限登高意可奈煙霞到眼窮

晴川閣

橫岡屹立翠虬連，高閣臨江不計年。
廟貌至今瞻禹跡，居人久已荷堯天。
牙樯錦纜中流見，玉管銀簫隔岸傳。
迴首漢南形勝地，樓臺一半鎖雲煙。

暮春

暮春天氣日初長，芳草如茵繞畫廊。
滿地落花慵不掃，惹他燕子往來忙。

憶繁昌官署梅

種梅不惜手親鋤，翻是梅開別所居。
我憶梅花聊覓句，梅花憶我更何如。

李蘭仙佩瓊

五首

佩瓊字蘭仙沅陵人安仁縣訓導沆訓彝卿女會
同諸生梁文浩室早卒蘭仙性明慧彝卿愛之擇
配嚴久之始得梁生于歸不久生一子殤作哭子
詩二十首竟以傷感致疾不起文浩踰年亦卒

歸會同畱別質秋筠秋芍雲麓娟諸妹

未去先愁別匆匆忽此辰敢違夫子意先怨女兒身願我

年差長憐伊性並醇易衣原稱體

自注質秋妹每製新衣必讓予先著推食

每先珍繡倦華聯萼居閒德有鄰鬢同蟬翼薄行亦雁行

遵夜雨知琴暗春風煮茗新添香貪室潔諱疾識官貧盟

手騷經習畱心女誠申看花開姊妹服藥識君臣絳帖臨

撫共烏絲界畫勻小詞教婢誦奇字向爺詢剗切眞師友

賡酬孰主賓讀書四時樂作客一家春記過衡山曲重臨

湘水濱

自注同貧秋妹一過衡陽兩至長沙

臨歧惟有淚遺挂未生塵大被

同何日長途歷幾句夢魂猶憶爾聚散不由人索果憐諸

妹加餐慰老親關山雖遠隔莫忘覓鴻鱗

聽隣妓彈琵琶

風定餘音暗繞塵隔牆絃筵四條春纖纖想是縫裳手卻
作新聲向別人

司馬新衫淚暗垂人生難得少年時潯陽江上西風冷妬
殺秋娘悔亦遲

題吳靜莊女史水仙花畫幅

薄粉嬌黃照筆新淩波羅襪不生塵美人自愛傾城色照

影江潭寫洛神

不洗鉛華骨不仙吳綾蘸筆思絲絲豔才懺後情塵淨澹
寫春魂水月邊

李佩瑤三首

佩瑤字質秋沅陵人佩瓊妹同邑縣丞熊樂善室
質秋幼敏慧喜吟詠既歸熊氏以非婦德所尙絕
口不談既病吟二絕次日卒年未三十也詩才爽

俊略如蘭仙

題彬娥女史芙蓉畫幅

骨拋紅淚湘江水散作芙蓉片片霞宛轉新愁消不盡臨
風猶寫斷腸花

斯人潔白比秋霜欲畫全身暗自傷一樣柔情難解脫蓮
心零亂藕絲長

題花下美人畫幅

芙蓉如面鬢如雲風卷湘江六幅裙一抹腰肢誰關得垂
楊應憾不如君